

朱
太
復
文
集

朱太復文集卷之十七

五湖朱長春太復著

詩

七言律

辛卯

四十首

元夕前夜乘興至永寧寺邀伍張王三廣文
露飲夜半始散

春城春夕可憐春
春月行遊夕興新
霜靜千家燈細
細天空孤寺雪
勾勾長廊繫馬
留賓客雙樹傳
杯散

吏人夜半歌聲聞巷起欣看風物樂吾民

寄書河間別駕張公附問南信

河上雙船別使君海傍萬里滯孤雲客中得病過寒
雪愁裏經春卧日曛五斗自嫌官碌碌尺書相寄淚
紛紛半季不見南來鴈鄉里逢人一遣聞

渤海門生王家植家植宋懷誠徐之沂崔廷

試夜談署中

時五生以直指使君徵習歷下
枉縣見別

鳥落高槐閉署門玉盤銀燭照雲昏諸生英俊升堂
好此地風流碣石存愛客儘教傳置驛貧官猶幸未

空尊醉來有榻懸堪卧帳底拈書細可論

對月

千乘城西白霧開九河沙曲斷潮迴邊隅落日風常
慘海口初春氣正哀南國更遙空夢去北人雖近少
書來自然對月淚堪下何況啼鳥聲更催

臨濟河

二月水生白映天小清河邊清可憐即看細草縈波
色漫有青山照日烟薄暮暫停官道馬春風徐放渡
頭船桃花此日江南樂乘興令人憶剡川

暮春崔德平成甫携酒遊豹突泉二首

厯下名泉天下無，厯門山色照泉孤。
春來楊柳更多意，日暮流鶯還自呼。
萬里登樓消客興，一觴曲水豈吾徒。
白沙青藻相留戀，莫遣驪駒放玉壺。

其二

天邊作客正悽神，水上從君簇興新。
春日山川須縱酒，野情花鳥更娛人。
小橋絕磴希通馬，高柳橫塘不
過隣。歌罷滄浪問亭伯，肯言吏隱是吾真。

登華不注山

嶺湖東畔華峰好乘興登臨落日閒春色野烟勞悵
望白厓危石費躋攀雲封邶邶泰山際仙關離離滄
海間萬里悲風催欲暮極南何處是鄉關

病起孟夏出郊暮還署有作

大麥初黃小麥員海洋磧裏種秋田陰陰白拓千村
雨莽莽游絲萬戶烟朝出乘車行問俗暮歸閉閤坐
彈絃唯將歲事三農樂輒憫官情一病眠

過古平原酌黃令

厭次古城在其北二十里
有東方生疑塚七十二

安陵小城烏尾訛女墻莽草黃雲多風吹閤井晦不

見日落丘陵悽奈何君侯妙政靜秋水客子羈心起
夜歌悵斷平原古文物白沙荒塚問經過

首夏芳晨縣務偶空忽簇郊行之興命車入
董光祿園看花遇光祿君趨至領導遂得盡
林池幽邃之美作五首

縣庭無事日悠悠簇興城南朝出遊苑裏看花還繫
馬客中作賦更登樓原風漠漠開林霽海霧霏霏送
麥秋物色吏情相對遠輟時歡賞莫羈愁

其二

一片孤城帶遠林。千家朝日照初陰。石邊芍藥殘風落。松外蘼蘿隔市深。杖策老翁能好事。停車人吏逐幽尋。海荒處處皆原莽。此地悠悠恆靜心。

其三

廣塘方曲隱平池。即遠藩籬幽更宜。蓮葉戲魚留賞處。柳陰喧鵲納涼時。公家五世簪纓好。舊物千年竹石奇。便覺清嘉到吳苑。令人故國坐深思。

其四

光祿君盛稱三月近郊桃花之盛十里如錦。抱病卧中過識恨於此。

即看柳色接芳園。見說桃紅入短垣。三月黃鸝鳴兩

細千村燕子啄花繁可憐爛熳春連海何事支離病
閉門俗吏俗情君莫問異鄉難可重銷魂

其五

似憐林壑是吾家誰耐風塵滯海涯地僻且欣豐日
暇身孤轉覺戀年華未勞光祿厨中酒自愛河陽縣
裏花車馬不時休閉戶習池倒載為君誇

泰山

天門初上接氤氲絕頂茫茫氣色分神碣永留秦代
石仙封不斷漢時雲三更海日中流見五月風雷下

界闢一攬乾坤空八極此身如欲出塵氛

靈岩

曾巒危壑太山陰麓徑幽幽古寺深脩竹萬竿低雨
榻清泉幾道落風林煙侵色相開禪迹月朗空花靜
客心此夜誰知玄度興獨携小品傍鳴琴

關里

以上三首代人作

招人一逝廬空在洙水千年秀未窮古壁尚傳文字
跡殘枝應護鬼神功翠華歷代經過遠碧殿空山禮
樂同落日瞻依吾道恨泣麟長想魯門東

寄謝邢子愿

北海淹留疾病多，幾勞尺牘問經過。
看來三徑春風暮，憶斷孤尊白雪歌。
束帶簿書吾欲老，拂衣丘壑尔如何。
未甘俗吏河山邈，匹马秋風到薜蘿。

病中送潘師南還

時亦苦病急歸

黃雲搖落海秋時，那復頻頻送別離。
磧裏乍來人盡病，床頭獨卧吏多悲。
西風萸菜行憐我，今夜螺杯起勸誰。
回首絳紗年少氣，二毛棲滯苦低垂。

院署夜雨

暮鍾清角隱微微小廨風多雨濺衣井外梧桐吹盡
稿院中苔蘚濕仍肥也知超走真吾事敢說文章與
俗違漸老無才居下位坐聞秋鴈欲南歸

中秋院中直事咏懷

衆木蒼蒼月照臺吏人公署散秋杯三更烏鵲城頭
靜萬里關山客望開清夜泛舟思往事暮年供直媿
羣才一官籠絡不如意心折西風歸去來

夜聞鴈憶舍弟長安秋試消息

引余長瞻北極間夜聞鴻雁度燕關凌雲詞賦知何

似累月家書竟未還天下向傳春草句秋風即擬桂
枝攀病多老近吾淹吏一望飛騰為解顏

李紳玄典試滇中有懷

時供直棘闈

詔典詞壇寵近臣諸郎年少獨風神地經司馬開文
物關接青牛度異人萬里彈冠增氣象十年同舍有
沉淪請看供直庭中吏總是累累趨走身

夜望懷呂司封

直北西華萬里天大東南客雨經年君知潦倒封疆
苦不見窮愁老病連河漢孤槎秋望外梧桐疎露夜

吟前白雲下有仙郎署憶到孤尊吏部眠

邊將八首

款塞犁庭竟杳然玉關青海西還延傷心東牧空三
䟽回首西屯已一牽漢月自清秋獵火胡風不斷戍
城烟虜驕師老愁難用突夜誰為逐右賢

其二

昨報將軍兩出師空屯俘鹵竟為誰至今來往藩籬
近早晚奔騰斥候危衛律有心給漢使陳平何計媚
閼氏西朝互市輕中國彩幣黃金未可期

其三

尚書元主借西戎為遣尋盟乞虜東即假紅顏邀獻
馬湯從青海問關弓諸邊節制難壽令故老飛揚空
自碓一䟽請兵中不報令人痛哭憶張公榆林大將張臣以是
年春出塞破虜因上䟽陳七難請益兵戍邊不報

其四

大將稽留虜未平 朝廷拱手罷論兵

君王有詔專推轂壯士無人再請纓四海供儲非昔
日九邊部曲尚平生陝西稍喜新開府遠赴貔貅甲

滿城

巡撫葉夢熊到鄭其故麾下苗兵五千自行赴義成秦奏入留之

其五

慷慨魏公持大計杜門推印亦何為老臣效死酬恩

地社稷宣威決戰時羣策二三機早斷戎心萬一

變難支強弓健馬秋風過白草黃河日夜危

尚書魏學曾起

家先具疏主戰斥和士論歸之時經畧薊尚書方兼替三邊遣麾下送印旗牌至家魏公復稱病不受反印於藩司

其六

紛紛牧馬近南山戰伐空思嘉靖間猛士沙場惟夜

哭將軍饒吹幾時還降胡已報移千帳遣使徒聞出
九關不見抗章胡御史謫官滿地淚潛潛

御史胡克
儉按遼東

彈寧遠伯被謫

其七

少季躍馬事將軍白首長城無寸勲十月樵蘇空燒
火三秋刀尺冷羅裙燕支山外行聽笛首蓓峯頭卧
望雲遠戍離愁

君自識幕中苦樂獨誰聞

其八

蘭亭天馬幾時來翡翠明珠望亦猜
是年倭報萬國盡
翬

明主慮中興好仗出羣才干戈儻術輕天地治亂經
綸望草萊多少大臣叅廟議
率率海畔吏空哀

強酒

悲秋獨坐耽吟句落日孤亭強酒杯官興久拚人後
拙病身莫向客中哀高風何處頻吹笛片月關心獨
上臺鴻鴈蹉跎正無賴羯胡消息更相摧
是日聞季

杜首西望甘州

九日馬上口號之一

風昏雲白動黃塵木曠原空涼逼人
渤海甯經重九日寒霜催老一孤臣
羞將紗帽吹秋髻憶揀茱萸強
病身策馬吟詩漫回首異鄉何處不傷神

送舊廐城令彭讓甫調襄陽

三館銅符擁大城風流新數楚中行
峴山更比華山好濟水無如漢水清
耆舊千年南國思兒童一曲大堤聲
知君到處攀轅淚留伴羊公石上名

朝行固安道

東方日出忽已遠
北辰星孤迥自寒
朝來望國行
轉近昨去投荒淚未乾
九死伶俜存伏枕
十年拓落強彈冠
嚴冰朔雪風塵裏
骨痛魂驚行路難

宿胡陵

胡陵去天已尺五
旅次獨酌還三更
月出皎皎戶深閉
馬鳴蕭蕭燈正清
奔過潘岳尚爲縣
賦似相如虛負名
眼前醜老兄弟笑
况謁明朝公與卿

安仁鄭允升夜酌邸舍

尊酒公車惜暫過
江湖昨日別離多
吏情各保身無

惹文采相看氣未磨歡極燈孤語造次醉來月照舞
婆娑壯遊到處知音少忍對風流不浩歌

入計初朝

禁鐘月落咸朱扉仗擁千官御氣微北海浮雲連

苑樹西山飛雪映朝衣身隨劍履

天疑近跡遠封疆歲屢違萬里病餘重見關掖門

欣望轉依依

壬辰二十八首

人曰吏部上計出舍獨酌作遙寄銓郎麻呂

其先大夫鵬峯公予鄉舉主

海市蕭蕭岡兩隣青鹽黃酒紫魚鱗荒涼東道慚爲
主流落南冠負故人白壁悞收懷世誼黃金未報恥
官貧眼前何物堪投贈半壁胡床積古塵

得王時立遺書答寄二首

故人高卧若溪村萬里遺書招客魂爲說悲涼對琴
榻何如安穩釣柴門扁舟野水春相憶玉麈清尊夜
共論一別無端羞吏隱羅衙愁病日昏昏

其二

半生嬾惰官情薄百病羈離訟閣閒
那有座中傾北海敢言保此勝東山
土林茅舍黃沙裏蜃闕龍宮白浪間
一曲牢騷無限淚寄君南望只思還

病中呈送經師傅愛白先生南還四明二首

海曲相逢首盡蓬當時被髮舊兒童
蘭陵弟子羞通顯稷下先生竟老窮
長鋏遠遊衝暑雨孤床八月卧秋風

先生來病瘡
卧縣署一月

一生空負談天辯腸斷千年碣石

宮

其二

海北海南渾異候客留客去一成志野亭酩酒窮荒
處秋雨脂車被病時相寄驛梅何路轉獨歸行李渡
江遲也知迂嬾非人用先報稽山為採芝

贈朱仲脩以善縣被徵入為黃門郎

溫室遙連紫闥高歲徵良吏列清曹舍人露板
章初入

天子宵衣坐正勞憶昨趨陪遠潦倒憂時涕淚付賢
豪朝廷若問東方治為說安仁老二毛

秋興八首

黃草霜前秋士悲
白頭塞下病夫衰
無窮海浪呈辰爛
不斷陰雲天地卑
七月縫裘小婦泣
三年伏枕故園思
滌場徧野農登早
磧裏風高異四時

其二

爰居西渡鴈南征
河落桑枯鷓鴣鳴
織女秋機傳片石
鮫人夜泣望空城
風波忽忽淹為客
魍魎蕭蕭說此生
自是投荒多雨淚
誰堪倚榻聽潮聲

其三

東方三載滯孤臣
北極千秋望

聖人青鳥影開王母駕蒼龍雲繞侍郎紳宮桃獨上
三山壽天酒由來萬戶春聞說朱衣侍朝次况看
玉露隔風塵

八月十七

今上萬壽節禮臣疏請
御殿受賀不報

其四

秋濤影裏市烟稀百室寒城島日微海鶴何心來獨
舞江鴻故意背人飛形骸霜露淹仍在朋舊雲霄信
屢違自古綈袍皆有淚幾時孤白問無衣

其五

鴨江又說下樓船羯虜今仍在玉泉萬國清笳吹片
月兩河枯草戰三季木難火浣

先朝貢瀚海潢池此日烟回首宮中悵長夜四郊多
壘未高眠

其六

桑枝秋日挂南垂河朔寒催萬物衰病客惡風衣褐
早居人避瘴啟門遲丹砂不產生難度黃菊猶存去
有辭已辦青囊負鳩杖採花燒藥任吾之

其二

渤碣沙頭江尾邊茫茫不辨與天連投綸公子今安
在採藥童兒竟杳然象岡拾珠秋弄月天吳蹴浪夜
飛烟却嗟鞭石千年事借問陵雲何處仙

其八

蒸牀高卧海樺間每遇西風憶故山魚尾竹竿秋泛
泛雀羅茅屋晚閒閒久拚謝病後官拙未遂傳經已
髩斑束縛生涯真自笑古人適志不如還

送呂司功伯繩予告還越二首

瀟灑江帆秋水高竹林人羨反山濤且承巖壑雙藜

杖

伯繩年少庭闈無恙兼得省親

輶避雲霄一羽毛相國舊分綠野

第

伯繩少傳南渠相公之孫

即官新買鑑湖舫錢塘九月霜肥稻

正好浮杯拍蟹螯

其二

病迂久已謝同車今日扁舟望悵予何事二毛貪五斗也知華省早林居自來過邑身長棄君去朝廷信轉疎不死藥囊歸有日桃花春水問溪漁

九日

九河九日九秋霜孤客孤城孤署牀伏枕至今淹世

路採花何處望吾鄉中人淚濕茱萸佩遊子寒臥薜
荔裳黍酒一杯相勸盡異方且各保身強

生日

高歌窮海日淒其誰人小城胡笛吹病身愁隨年忽
忽邊地苦奈雪離離南歸採藥不得往北望樓枝未
有期目今四十無兒子束帶憂生何所為

至日縣中卧病

白雪城頭朔氣疎黃鍾管裏煖灰初扶桑迎日三冬
至魏闕瞻雲十載餘才拙空思訓襪線身羸無力強

簪裾卧聽縣閣傳 朝鼓無鄉懷

君淚滿袂

移病後寄舍弟客都

別離雙淚未曾乾 移病無端已掛冠
萬里江風歸路苦 三年海客帶霜寒
此身負國空留劍 垂老偷生擬學丹
搃為艱難憶兄弟 況今不忍望長安

乞休後雪夜走興寄水部即樂之初

不見天邊白磧砂 茫茫難說客心嗟
三季海曲空乘雪 半夜城頭玉笛花
多病自今歸藥裹 相思此去遠

瑤華知君避世從來意擬待東陵伴種瓜

朱太復文集卷之十終

朱太復文集卷之十八

五湖朱長春太復著

詩

七言律

癸巳十四首

信縣元日

時已移病未蒙允放

萬里淹居開歲日一官謝病閉門時敢忘關下朝
鳬影無奈山中採藥思草木也羞生自棄風塵枉辱
世相羈縻同黃雀

君恩曠他日
唧花報有期

立春

海曲春光不當春
支離況復怕春新
灰寒市冷無生
菜雪積床孤
有病人此日榮華知信物
他鄉涕淚且
謀身細使妻妾論
生計盡說還山不厭貧

對雪二首

狂風吹雪海荒荒
遊子將歸尚卧牀
二月天邊未花
草三季寒色故衣裳
即看慘澹迷虛牖
轉漫霏微壓
短牆寄語東皇
更休妬暫開春暖放還鄉

其二

南客春來希見雪北風朝後轉增寒
顛狂似絮欺人舞散漫如花帶雨看
苦海得歸驚更泣殘生欲去強加餐
明朝重理扁舟興扶病江湖且自寬

出陽信還南六首

車發寒沙慘暮春颶風濤雨送離人
也憐回首桃花樹獨歎關心藥物身
壯關

新恩違羽獵南江舊業有漁綸
海濱三歲鮫宮淚喜得生還更灑巾

其二

回首天邊不斷愁玄龍白蜃繞城樓春風忽忽征途
馬寒食悽悽病客裘盡室艱危投遠磧殘年僥倖赴
扁舟欲知淹卧傷心事昨日餘霜白滿頭

其三

不作趨 朝向越行空懷筆札望承明摧殘犬馬餘
雙淚飄泊江湖過半生嬾性自今違世路野人何日
荅

君情上書獻賦區區意老大衰迷一未成

其四

孤城海角柳初肥三月江南花已飛
早促長干趁春事歸携小嬾理蠶衣
為農避世那無俗學道長生好
息機垂死還鄉對親故一尊行樂且休違

其五

澤鬼陰呼斥莽空狔魚春動海多風
波光濛濛人烟外日色昏昏天地東
昔去何如種花吏今歸已學杖
藜翁紅顏一世難重好壯士蕭疎恨未窮

其六

折腰未得謝淵明消渴真成卧長卿老去無心著玄
草歸來只辦煮黃精中奉泉石無端瘡十載風塵不
侍京輿故遊滿眼意臨岐悵望憶平生

舟中

短髮江湖一病夫春風擁絮坐舟孤汀舍細草霏霏
遠日引遊絲澹澹無樗朽不堪駢世路滄浪從此放
吾徒王珂金馬長安客為謝紛紛出慶殊

東林阻風

隱几傷春強一餐維舟落日對長干歸途遇病程偏

阻海客聞風淚尚寒落絮獨吹幽岼急浴鳧雙戲晚
汀寬生涯不信江湖裏亦有差池行路難

阻白馬湖

白馬湖頭霧不開射陽陂外海潮迴魚龍鼉吼崩雷
出岼黑濤青急雨來萬里病身行路阻一春風物故
鄉催棲賢白笥夢如雪肺渴何能啜一杯

九日起看冠同諸親舊試酌清暉樓

華髮臨風試著巾簷樓泛菊且隨人百年天地餘生
樂九日風光故國親秋水魚梁通戶檻遠山鳥道落

城墜相看長保東籬健紫蟹紅更不謝貧

甲午十三首

訪虞長孺讀書林不遇得觀几上著書

鵲下山籬啄古苔垣依脩竹背湖開谷中採藥人長
往雪裏排扉客自來馳奔一丘餘枕席罷官三徑有
蒿萊遺書滿几畱堪讀不是楊雄白首裁

荅鄭安仁允升遺問謝病兼報舉子

錦水西江隔別深故人不見客吳吟一官羈海愁垂
死萬里歸溪卧至今阮籍空多憂世淚長卿已罷著

書心田園衰朽成無用只好呼兒日弄琴

上巳扶病與客泛溪

佳辰倚杖起登臨樂事南湖曲水陰游女花鈿邀日
晚畫船歌舞競春深強隨後襖扶衰病久拚滄洲息
隱心回首名軍脩竹興一觴今古寄知音

遊白雀寺是舍弟同李寅中讀書所

谷裏陰陰野日霏寺前曲曲細泉飛春深木夢鳴禽
雜山古壇荒行客稀惠遠高朋能說法何充小弟頗
忘機病夫只有逸禪悅到此棲留未擬歸

醉題玄石潘姑翁家
英軒并留碩甫阿弟
姑家春酒綠翻盆
坐我疎籬古竹根
虛閣入山開遠
靄英軒邀月照初昏
差池野鳥啼花徑
次第雲帆度水村
却倚綢繆中外好
携琴來許曰傾尊

送舍弟明入都

令弟翩翩北上書
一尊彊起送公車
布帆春水離荏渚
羽獵秋風望石渠
似爾才名應組綬
看予老病已樵漁
白頭剩有江湖淚
寄與憂時灑別裾

送鄭允昌遊金陵秋試

蜀山酒散客登船扶策南遊意慷慨京口夜潮蘭棹
外秣陵秋色桂枝前君家二傷名元好海內三都賦
久傳即擬計車偕北上雙雙簪筆侍甘泉

長公允升
方為安仁

今當入計

寄舊京戶曹陳公衡

五湖秋水雙魚尺素遙題寄起居日遠龍樓吏無
事月明牛渚興何如幾年閉閣成玄草一卧包山老
素書他日思君強携杖白門沽酒泛江初

得北海王以建寄書并詩

舊遊東望海樓邊。正憶風流王仲宣。疾病別來身總
廢。文章老去欲相傳。雲中鴻雁書能寄。江外鱸魚興
已偏。細讀遺詩滿眼淚。幾時萬里一乘船。

留法相定上人

一別狂歌雪夜筵。重來相對忽悽然。茂陵白髮如今
老。精舍青山只往牽。石壁寒松雲細細。竹龕秋澗月
娟娟。遠公何日開蓮社。煮藥吾將傍錫泉。

兵部來任卿入山見訪闌畧走謝

來素以清吏稱未因

寄興

伏枕朝涼貪睡穩空巖秋雨閉門孤只驚隣犬喧行
客不道郎官訪病夫繡佛齋厨荒乏具采山童堅遠
難呼知君宿號清如水挹取箕泉可飲無

湯題樓壁

南高峰底礧西樓借我停居作卧遊山塔浮雲當落
照寺門古石隱清流雨中滿地收秋葉日下鄰家放
晚牛樵唱僧鍾行處是烟霞丘壑正堪留

虎跑寺用蘇長公韻

藤蘿松葉拂人香寺外陰陰野日涼礧壑泉飛秋雨

細僧家梵放白雲長
鵲樓幽閣空諸品
虎跡靈潭靜上方
老病蹉跎掛瓢意
臨流悵望不能嘗

乙未

人曰雪中登曠閣遣船呼鄭二吳大諸公春
飲

山白參差照水勻
沙禽無數浴湖濱
朝來登閣看春色
雪裏呼船召故人
翠竹蕭疎依野席
紅梅點綴媚芳辰
溪南風物留清賞
薄暮浮冰煮錦鱗

頻雪

春來春雪不離山，復見菲微春樹斑。
藹藹如花吹郭北，冥冥隨雨颭溪灣。
敲冰野艇歸沙際，乞火隣家過竹間。
却喜逸名逃更得，無人乘興到門還。

初春載酒同桐川李寅中過溪莊酌于閣上
予將携隱寅中許留

棹出南湖渚，草香尊携西閣野。
雲涼數家林薄城隅遠，二月山川春色長。
病客且携簣枕漱，故人肯許共滄浪。
釣竿早晚從漁父，細酌桃花新酒漿。

移家五首

翠竹新栽映白沙碧湖深處此吾家欲逃城市移居
遠頗有山林態興賒野鳥乍過窺几席隣人相見饋
魚蝦蓬蒿不比楊雄宅翻喜門無載酒車

其二

來青杏白野田香浴鷺飛鳬暖渚長畫艇春遊山靄
靄雲帆時度水茫茫一尊行樂依花塢雙鷗偷生託
藥囊便與妻兒成避世他時雞犬即仙鄉

其三

每怪陵瓜傳故侯何須徑竹僦羊求漁樵來往人皆

好丘壑行藏老即休
巢燕閣頭飛娜娜
戲魚籬尾出悠悠
采蓮集芰明朝興
早向東隣買小舟

其四

兩坪芳菲上小園
數家荒落接低垣
生平僻性耽泉石
老去閒居得野村
山水正佳多近閣
鮭蔬頗賤易供飧
藩籬物色清如此
何必深携赴鹿門

其五

曲笠聊從采杜蘅
含香未擬望金莖
養生并夜貪遊興
多病相如薄宦情
濁酒不時從社飲
野人隨地結

春耕卜居已賦并終隱漁父何勞更問名

端午

菖蒲艾葉泛杯香午酌曾軒對雨涼野水茅籬三徑竹貧家風俗五絲囊轉因卧病朝參懶不是逃名隱興長却憶九華明月扇漢廷此日賜諸郎

水壯引興

宿雨浮山眇欲無啾啾蘆葉坐羣鳬巖邊樹擁田流白雲際帆隨反照孤滿地菰萐翻釣舍誰家簑笠罷農夫籬花徑竹垂垂沒莫遣沙崩損藥爐

給舍鄭允升歸吳出示縣中作不見三歲矣
新詩風雅漸近古人追憶二十季賡歌合唱
期振雅業時俗頗傳朱鄭今忽病老才盡二
三不朽都屬高賢無能為役矣喜與感集通
昔不採賦此走呈

不見新詩三歲餘歸携囊帙問樵漁差池朱鄭名今
愧伯仲曹劉力未如千載風騷懷縣作他時流涕拾
遺書勛猷詞賦俱公在渴病溪村只荷鋤

黃門鄭允升扁舟見訪溪上留為野飲席上

成贈

丹竈幽棲溪渚隈黃門官坐野航來未嗔鄰舍看官
夜且對山川進客杯蘆葉陰陰村釣集菱花白白棹
歌開入林狂興知君在竹下今堪眠幾回

秋日辰州太守吳元甫扁舟過問漁舍飲中

成贈

使君訪客到溪邊監子賒魚過遠田五馬暫留花外
隊一尊且醉竹中筵清山傍園歸孤鶴古柳當門噪
晚蟬日落坐聽湖上曲女郎雙泛采蓮船

兵部侍郎許敬菴先生見訪園居蔬羹村醴
夜酌曠閣

山隅溪曲白雲阿窸窣荆籬薜蘿秋浦漁竿隱士
處夜船官鼓侍郎過名言前輩經綸好野席貧家藜
藿多祇有南湖明月在玉卮清醴泛金波

夜坐即興

青山四面入樓空湖上芙蓉蕩晚風螢火乍過漁火
外蟬聲時散犬聲中隱居無事秋多興詞賦消愁老
漸工月出數家門戶靜坐看雙槳入溪東

入錢塘放舟作

束書囊藥遠遊時
稻白梧黃秋氣哀
萬木哀蟬吟細
細樂村歸燕去遲遲
登山有屐從康樂
招隱無詩托
左思
借問南屏舊樓處
淹留桂樹已相期

過西湖訪虞長孺好道學仙所居竹林向呼
余有買隣偕隱之約貧負差池今其園猶在
也詢問憮然并寄憾耳

藕花居外竹林中
憶余乘船湖水東
茅屋獨留黃犬
靜仙人長向白雲空
徘徊丹室詢童子
窳窳鄰園問

老翁自笑無錢違宿諾買山何日傍張融

八月十八夜昭慶寺外月出獨泛

海上云云動月華湖西楊柳白烟斜山川乍映分秋色
臺館徐開照晚花寺外獨船移遠渚城邊清曲度
誰家樂遊終夜當年興悵望西陵古渡沙

過虞長孺僧孺兄弟道舍齋飯逢如上人續
至

茅家兄弟棲真處鷄犬蕭蕭竹下廬物外幾率猿石
液客來終日飯園蔬谷深雲護金光草院靜風翻玉

笑書却值東山支適過共開漁父說玄虛

李賓中獨往觀湖遙憶有作

李生逸興風雲豪海門潮起煙蕭騷雪色初翻天地
白雷聲忽撼江城號素車半出沙光眇銀漢遙通槎
影高何事長卿多病在閉門空賦廣陵濤

重遊龍井寺二首

俯湖臨郭東海在望有龍
井泉一片雲仙人洞過溪

亭諸勝乃宋蘇長公訪僧辨才遺刹

瀑泉飛雨挂松枝丹壑峻嶒石磴危白日龍吟深湫
古空山鳥落片雲遲仙人滄海如湛然玉帝子江城有

所思谷黑風鳴荒寺暮登高搖落忽成悲

其二

中天臺裏翠微清下見西湖似掌平
獅嶺龍潭陰細細竹亭花館霧縈縈
新添物色青山興舊憶風流白社盟
無復逃禪蘇太守虎溪明月故含情

酒中立贈昭慶上人

法堂秋木吹夕烟杯底清談二十季
含香尚戀北關署聽鐘久愧東林禪
湖船泛泛舊遊興燈雨煌煌新醉眠
玉塵蕭條半頭白風流羞殺謝公蓮

門生劉令名鄭良翰置酒泛湖

玉壺朱舫水中筵
急管悲絲散遠天
片片雲翻秋嶺白
紛紛木落晚波娟
似尋洛珮陵風去
却憶仙槎入滌邊
日暮主人情未極
六橋堤黑更移船

沈翁復邀泛湖

累日探奇興不休
看花又上故人舟
轉驚秋入淒丹樹
復愛波翻捲素鷗
移棹西令雲寂寂
採香南浦徑悠悠
一尊但對山川好
搖落蕭蕭客未愁

贈真空王道人

是故上津令

雙垂綠髮覆朱顏竹節周遊五嶽間
見說飛鳬繹葉令幾時乘鶴度維山
松中每自探三秀世上無人問九還
我亦食桃漢署客相期白首出秦關

李升玄謝病有懷

老我無端卧越墜如君何事在山林
豈關消渴著書苦別厭浮沉玩世心
初服自憐三徑隱華簪未受二毛侵
武夷江遠樓何處安得雙魚寄好音

同諸公登法華臺

是永明禪師誦法華處孫一元山人結宮居隱焉今

都廢

高僧禪蹟已蒼苔詞客遺宮安在哉白石空傳種蓮
處青林無復抱琴來竹風淺淺如迎客花雨飛飛自
墮臺惆悵秋風懷古意登高誰是大夫才

訪孝廉黃貞父留飯

城隅秋水澹芙蓉渠垣竹蕭蕭處士廬頗有門人過載
酒竟無生產只藏書床頭劍舊羞游俠市外人間罷
掃除當年客來唯一飯尾盆炊黍饌園蔬

三泛西湖

秋風吹湖忽冥然湖氣散為山雨懸黃葉墮來只近

酒素鷗飛起欲翻船漁家網逐暮雲落游女裙濺淥
水鮮不是金尊留不去白堤勝事日相亭

水部卽茅薦卿移病歸侍鹿門先生先生八
十五矣強少善飯綵衣承歡樂斯百年何必
三公子心無窮人理希邁感其志而嘉之作

詩以贈

朝辭執戟建章宮歸理斑衣侍老翁野步扶藜曝秋
日晨炊餐菊學仙風所居鳥雀行階下畱客杯盤出
竹中從此生涯歡百歲人間何必有三公

夜訪薦卿酌於月下出示新詩時薦卿以謫
楚令遷郎告歸

白釀黃柑碧玉盃竹中陳席紫瑯玕啟門深夜客初
至對酌青燈月正寒何事馬卿多卧病自憐漁父有
彈冠郢湘國風流地佳句從來和者難

贈茅孝若

有美翩翩一俊人名家奇服自風神材如杞梓干雲
秀詩似芙蓉出水新科斗翻書偏嗜古鸚鵡沽酒數
留賓相逢錦席論文夜頭白忘年托介親

送李寅中還山

南湖漁舍相從一年君既西歸余亦北赴感慨行藏為詩

寄之

湖南終歲共棲遲
夜雪孤城送別離
燒燭論文何處
再維舟尊酒不勝悲
為郎白首趨蘭署
高士青山隱
桂枝樂曰

君王問詞賦
甘泉欲薦子雲奇

憶馬長平

豪俠從來惜命才
虛名反受世人猜
竟為放逐墮蘭澤
誰問風流咏柏臺
汝上古多高士
隱淮南秋落小

山哀平生報

上雙龍劍在匣蕭蕭慘不開

臧晉舛夜過酌秋水堂

相逢對酒且高歌桂樹中庭白月過
病客茂陵詞賦少
逐臣湘渚淚痕多
百季吾道知音在
明日長安奈別何
流落長楊竟誰薦
白頭羞說傍朝珂

寄呂伯繩

山公本自竹林賢
歸卧應知興轉便
賓客往來壚上酒
尋常行坐杖頭錢
離騷豈向耶溪讀
消渴誰憐若

水眠無奈彈冠重強起陸沉終是愧林泉

朱太復文集卷之十八終